

Гардвр уга бääнä

Юстин района „Раздольный“ совхозин 4-ч ферм, совхозасн 170 километрт бääнä. Өвс хадлгъна бригад майин 30-с наран 4400 га өвс хадад, 3800 гектаринь мааджурдад, ковныг тавгдсн бääнä. Бригадт негхн копнитель, тросовый волокушк кöдлнä. Бензин уган учрар 6 трактор 4-5 хонгин ут-туршарт хара зогса.

Совхозин директор, өвснä хадлгъна бригадин бригадир үр Пономарев Павел Петровичд нигдж келдж закла: „Хадад, мааджурдад, ковныг тавäд йовти, өвс зöбдж хуралгъна кöдлмшän бидн эврän кенävди, хурахларн кошарин öбр овалхвдн“.

Эндр öдр күртл нег чигн скирд тавгдäд уга. Зöбггäд овалхар седхлä, волокуш болн копнитель уга болдж гарна.

Тракториствр хот-хоолар бас му бääцхänä. Зäрмдän 2-3 хонгт öдмг угагъар сууцхана. Фермд öдмг болгъдг гер уга болад, 38 километрт бääдг Уттин лавкас öдмг авгдна, тенднь öдмг уга болхла, нань ааль уга болна.

Фермд журнал, газет, дегтр үзгдхш, нарта орчлнь деер болн орн-нутгтан юн болджахинь медджäхшвдн. Ташргемтвчнь, гар-көл хавдвчнь, гар-көл керчвчнь, эмч манур ирхш, ташр эмин дүртä юмн уга. Шидр

нег кövүнä кöлин хургън öвдснд, нам боох кövнъ-сернджл олдж ядад бääвди гидж кöдлмшин кемджäггъан күцäцхäдг тракториствр Петр Бириков, Сергей Гавриенко хоёр келнä. Нег хуучн радиоприемник öглä, тернь питань уга болад, ода кöдлхш. Ягъдж кöдлджänät, ю кевт, юн дуту гидж негн чигн күн ирхш.

—Трактор хамхрхла, кергтä шин частьсинь авхар, кöдлмшän хайчкад одхла, совхозин складт уга болдж гарна. Эврänнь аргъар болс-бүтсärнь кех зöвтä болна,—гидж бригадир үр Пономарев келнä.

Бүкл сар үлү цагт 170 километр газрт 22 кү машигъар йовулчкад, совхозин гардачвр тус илгъл совхозин директор боли эклц партийн организацин сеглätр эс ирдж хäläдж гардвран öгч, кöдлмшчирин зовль-джиргъл эс меднä гисн манд медгдджäхш.

Ода өвс хуралгъан, хаджугъар бääдг колхозмуд, совхозмуд чилäджänä. Мана 4-ч ферм өвс хуралгъан эклäd уга, совхозин гардачвр эн фермän мартчксн эс-болхла, нүдän секäд хäläдж, оньган öгч, öдрсö уга шамддж өвсän хурадж авх кергтä. Эн фермин өвснä ургъцнь наадк фермсär болхла сän.

АХ-МАНДЖИН ЛАГА.